



14. september 2016

Matumuuna Inatsisartut suleriaasianni §37 naapertorlugu Naalackersuisunut apeqqutit imaattut ingerlatippakka:

1. Naalackersuisut suliffeqarfinnik aallartitsinissamik periarfissat oqilisarniarlugit iliuusissat suut ingerlappaat?
2. Suliffeqarfiutillit taamalillunilu inuussutissarsiorfinnik amerlisaaneq qulakkeerniarlugu suliffeqarfimmik 1 kr.-imik akiliilluni suliffeqarfimmik aallartitsisinnaaneq periarfissaalerpa?/qaqugu periarfissaalissava?
3. Suliffissaaleqineq appartinniarlugu naalackersuisut qanoq iliuuseqarpat?
4. Suliffissaaleqisut qassiuppat?
5. Inuusuttut uniinnarsimasut ilinniangitsullu qassiuppat?
6. Inuusuttut uniinnarsimasut qassit piareersarfinnut isertinneqarsimappat?
7. Nunatsinni suliffeqarfiit aamma suliffissat amerlassusaat ukiut kingullit arfineq - marluk qanoq kisitsisinngorlugit isikkoqarpat?
8. Suliffissaaleqisut ikilineranni suliffissaaleqisut suliffinnut sunut sulilersinneqarsimappat?
9. Aalisarnermut isersimappata tamarmik taava qanoq amerlatigisunik aalisarnermut akuersissutinik nutaanik tunisisoqarsimava?
10. Suliffissaaleqisut ukiut kingullit arfineq-marluk ingerlaneranni amerlassusaat kisitsisinngorlugu saqqummiunneqarsinnaappat?
11. Illoqarfinni sorlarni suliffissaaleqisut ikileriarnarpaasimappat?
12. Illoqarfinni sorlarni suliffissat amerleriarnarpaasimappat?

**13. Illoqarfiit nunaqarfiillu tamarmik suliffissanik qanoq amerlatigisunik qanorlu patajaassuseqartigisumik inuussutissarsiorfiunerat takusinnaajumallugu kisitsisinngorlugit saqqummiunneqarsinnaanerpat Naalackersuisuniit?**

(Inatsisartunut ilaasortaq Aqqaluaq B. Egede, Inuit Ataqtigiit)

**Tungavilersuut:**

Apeqqutit saqqummiussakka naalackersuisuniit akineqarnissaat pingaaruteqartorujussuurtut isigaakka. Taamaalilluni nunatsinni suliffeqarfiit qanoq patajaassuseqarnerat, qanorlu suliffeqarfeqartiginera naatsorsorsinnaajumallugu naalackersuinikkut alapernaassuseqarnissaq pingaaruteqaqisoq nunani aallani atorneqartartoq aamma nunatsinni piunersoq paaserusukkakku.

Naalackersuisut apeqqutit akisariaqarpaat naatsorsuutini pingaarutilimmi inissisimatinneqarsimappata tamanna ajornartorsiutaasussaannngimmat. Kissaatigaaralugu ullut qulit qaangiutsinnagit apeqqutit akineqarsimanissaat. Taamaalillunga aamma Inatsisartuni sulininni Naalackersuisut akissutaat atorsinnaaniassagakkit.